

«ԱՎԱՆԳԱՐԴ ԻՆՎԵՍՏ» ՓԲԸ ԿՈՂՄԻՑ ՀՀ ԿՈՏԱՅՔԻ ՄԱՐԶԻ ՀՐԱՋԴԱՆ  
ՀԱՄԱՅՆՔԻ ՎԱՐՉԱԿԱՆ ՍԱՀՄԱՆՆԵՐՈՒՄ ԳՏՆՎՈՂ ՀՐԱՋԴԱՆԻ  
ԳԱՔՐՈՆԵՐԻ և ԳՐԱՆՈՂԻՈՐԻՏՆԵՐԻ ՀԱՆՔԱՎԱՅՐԻՑ ՕԳՏԱԿԱՐ  
ՀԱՆԱԾՈՅԻ ԱՐԴՅՈՒՆԱՀԱՆՄԱՆ ԻՐԱՎՈՒՆՔ ՍՏԱՆԱԼՈՒ ՀԱՄԱՐ  
ՀԱՆՐԱՅԻՆ ՔՆՆԱՐԿՄԱՆ

ԱՐՁԱՆԱԳՐՈՒԹՅՈՒՆ

ՀՀ Կոտայքի մարզ, ք. Հրազդան

25.06.2024թ.

2024թ. հունիսի 25-ին ժամը 11:00-ին ՀՀ Կոտայքի մարզի Հրազդանի համայնքապետարանում (հասցե՝ ՀՀ Կոտայքի մարզ, ք. Հրազդան, Սահմանադրության հրապարակ, շենք 1) տեղի ունեցավ «ԱՎԱՆԳԱՐԴ ԻՆՎԵՍՏ» ՓԲԸ կողմից ՀՀ Կոտայքի մարզի Հրազդան համայնքի վարչական սահմաններում գտնվող Հրազդանի գաբրոների և գրանոդիորիտների հանքավայրից օգտակար հանածոյի արդյունահանման իրավունք ստանալու նպատակով 1-ին (առաջին) հանրային քննարկում:

Ներկա էին՝ Հրազդանի քաղաքապետարանի, ձեռնարկողի ներկայացուցիչներ, ինչպես նաև Հրազդան համայնքի բնակիչներ (մասնակիցների ցանկը ստորագրություններով կցվում է արձանագրությանը):

Բացման խոսքն ասաց Հրազդանի համայնքապետարանի աշխատակազմի քարտուղար Ռոբերտ Դանիելյանը՝ ներկայացնելով ընկերության նպատակն ու խոսքը փոխանցեց ընկերության ներկայացուցիչներին:

Ընկերության ներկայացուցիչ Գարիկ Հարոյանը ներկայացրեց հանքավայրի տեղադիրքը, որի հարևանությամբ անցնում է էլեկտրաէներգիայի ցանց: Հաստատվել են գաբրոների և գրանոդիորիտների պաշարներ՝ որոնց օգտահանման արդյունքում կստացվի շինարարական հումք: Ընկերությունը նախատեսում է շահագործել հանքավայրը, որի համար անհրաժեշտ է համայնքի համաձայնությունը:

Ռ. Դանիելյանը հարց հնչեցրեց տարածքում առկա հնարավոր պատմամշակութային օբյեկտների վերաբերյալ, որին ի պատասխան «ԱՎԱՆԳԱՐԴ ԻՆՎԵՍՏ» ՓԲԸ-ի ներկայացուցիչը նշեց, որ տարածքում պատմամշակութային օբյեկտների առկայության վերաբերյալ ուսումնասիրություն կատարված չեն:

Ընկերության ներկայացուցիչ Ֆելիքս Փիրումյանը նշեց, որ նախագծման փուլում կհստակեցվի տարածքում առկա պատմամշակութային ժառանգության օբյեկտները:

Այն հարցին՝ արդյոք նախնական ներկայացված տեղադիրքի կոորդինատները ճշտված են, ներկայացուցիչները պատասխանեցին՝ ոչ, վերջնական ճշտումները նախատեսվում է նախագծման փուլում:

Հարց հնչեց բնապահպանական ազդեցությունների, տարածքում առկա ջրի աղբյուրների մասին: Ի պատասխան, նշվեց՝ աշխատանքները իրականացվելու են պայթեցման եղանակով, օգտագործվելու են ջրցան մեքենաներ՝ փոշու նստեցման նպատակով:


Բնակիչների շրջանում մտահոգություն եղավ փոշու բարձր ցուցանիշի մասին, քանի որ տարածքում արդեն առկա են գործող օբյեկտներ:

Հաստատված հանքավայր տանող ճանապարհն անցնելու է Հրազդան համայնքի Կաքավաձոր թաղամաս տանող ճանապարհով, որի հիմնանորոգման աշխատանքների համար Համայնքը դիմել է Տարածքային զարգացման հիմնադրամ, և հրատապ լուծում պահանջող ծրագրերի շրջանակում գործընթացը մեկնարկված է և շինարարական աշխատանքները կսկսվեն 2024 թվականի հուլիս ամսից: Իսկ հումքի տեղափոխումն իրականացվելու են ծանր տեխնիկաների միջոցով, որոնք անցնելու են նոր կառուցվող ճանապարհով: Այս և տարածքում փոշու առկայության բարձր ցուցանիշի հանգամանքները (Ցեմենտի գործարանի, այլ հանքավայրի առկայությունը) հաշվի առնելով բնակիչների շրջանում հանքավայրի շահագործման հետ կապված մտահոգությունները շատ են:

Քննարկումն ամփոփելով՝ Հրազդանի համայնքապետարանի աշխատակազմի քարտուղար Ռոբերտ Դանիելյանը հայտնեց համայնքի դիրքորոշումը նախատեսվող գործունեության վերաբերյալ. հաշվի առնելով տարածքում փոշու առկայության բարձր ցուցանիշի հանգամանքը, տարածքում գործող ցեմենտի գործարանի առկայությունը և դրա պատճառված վնասները Կաքավաձոր թաղամասի բնակչությանը և ոչ միայն, ինչպես նաև հիմնանորոգվող, նոր կառուցվող ճանապարհի հանգամանքը, այդ ճանապարհով նախատեսվող ծանր տեխնիկայի հետագա պատճառվող վնասները՝ համայնքը համաձայնություն չի տալիս նշված գործունեությանը:

Հանրային քննարկմանը մասնակցում էին՝ 22 անձիք:

Հրազդանի համայնքապետարանի  
աշխատակազմի քարտուղար՝



Ռ. Դանիելյան

Արձանագրող՝



Վ. Բարեղամյան